



FAQ

**KEPUTUSAN MAHKAMAH PERSEKUTUAN YANG TELAH
MEMUTUSKAN SEKSYEN 3 DAN 7 AKTA
PENYELARASAN PENCEN (PINDAAN) 2013 [AKTA
A1447] ADALAH BERTENTANGAN DENGAN
PERLEMBAGAAN PERSEKUTUAN**

JABATAN PERKHIDMATAN AWAM

BIL.	SOALAN	JAWAPAN
1.	Apakah kesan keputusan Mahkamah Persekutuan terhadap pesara?	<p>Bayaran pencen kepada semua pesara perlu dikembalikan kepada amaun pencen asal iaitu:</p> <p>(a) pegawai awam yang bersara sebelum 2013 – bayaran pencen dikembalikan kepada amaun Disember 2012; dan</p> <p>(b) pegawai awam yang bersara mulai 2013 – bayaran pencen dikembalikan kepada amaun asal semasa bersara</p>
2.	Adakah pesara perlu membuat pembayaran semula kenaikan pencen dua peratus (2%) yang telah diberikan mulai tahun 2013?	<p>Tidak perlu. Mahkamah Persekutuan telah memutuskan bahawa Kerajaan tidak boleh mengutip balik penyelarasan pencen tahunan sebanyak 2% yang telah dibayar sebelum ini.</p>
3.	Apa yang dimaksudkan dengan bantuan khas sebagai Penghargaan Khas Kepada Pesara (PKKP)?	<p>PKKP adalah inisiatif Kerajaan untuk mengharmonikan pelaksanaan keputusan Mahkamah Persekutuan dengan memelihara kebajikan pesara.</p> <p>PKKP merupakan pembayaran perbezaan amaun pencen semasa dengan amaun pencen asal bagi menjadikan amaun yang diterima oleh pesara setiap bulan, sama seperti amaun pencen semasa.</p> <p>Sebagai contoh, sekiranya amaun pencen asal pesara pada bulan Disember 2012 ialah sebanyak RM1,413.49, manakala amaun pencen bulan Jun 2023 ialah sebanyak RM1,757.43, pengiraan PKKP adalah seperti berikut:</p> <p>Amaun pencen asal + bantuan khas PKKP = amaun semasa = RM1,413.49 + RM343.94 = RM1,757.43</p>
4.	Sehingga bila PKKP dibayar kepada pesara?	<p>Bayaran akan dibuat bermula pada bulan Julai 2023 hingga Disember 2023.</p>
5.	Adakah pesara terus menerima PKKP pada Januari 2024?	<p>Tidak, walau bagaimanapun, perkara ini akan dikaji bersekali dengan cadangan sistem saraan perkhidmatan awam yang akan dipengerusikan oleh Y.A.B. Perdana Menteri.</p>
6.	Bilakah penyelarasan pencen bagi pesara-pesara akan dibuat?	<p>Penyelarasan pencen akan dibuat selaras dengan pelaksanaan semakan gaji pegawai Perkhidmatan Awam.</p>

BIL.	SOALAN	JAWAPAN
7.	<p>Adakah Kerajaan bercadang melaksanakan semakan gaji pegawai Perkhidmatan Awam dalam masa yang terdekat ini?</p>	<p>Kerajaan sedang dalam tindakan menyediakan cadangan semakan semula gaji pegawai Perkhidmatan Awam. Walau bagaimanapun, sebarang pertimbangan terhadap syor semakan gaji adalah tertakluk kepada kemampuan kewangan Negara.</p>